


2010-mi pisortat sinneqartoorput

Pisortatigut killiffik sinneqartoorfiuvoq

2010-mi pisortat sinneqartooqqittalerput. Pisortat sinneqartoorutaat 220 mio. koruuninik naatsorsorneqarpoq. 2009-mut sanilliullugu 397 mio. koruuninik pitsanngoriarfiuvoq. Sinneqartoorut ingerlaavartumik akileraarutitigut isertitat annertusinerannik, ingerlatsinikkut aningaasartuutit allanngujannginnerannik aammalu aningaasaliinerit appariartornerannik pingaarnermik pissuteqarpoq.

Pisortatigut killiffik



Pisortat atuinerisa annertusiartornerat annikitsuinnaq

Pisortat sullissinikkut aningaasaliissutaasa nalunaasornerisa (pisortat atuinerisa) ilagaat sulisut akissarsiaannut aningaasartuutit, atortorissaarutitsigut aningaasartuutit, taamatullu nioqqutissiornikkut aningaasartuutit nioqqutissanik kiffartuussinikkut isertitat ilanngaatigereerlugit. Aningaasarsiat atuinerup annertunersaraat. 2010-mi akissarsianut aningaasartuutit 3,6 pct.-mik qaffapput 3.871 mio. koruuninut. Nioqqutissiornikkut atuineq 3.069 mio. koruuninut aalaakkaalerpoq. Nioqqutissanik kiffartuussinikkullu isertitat 15,7 pct.-mik aningaasanngorlugit 811 mio. koruuninut qaffapput. Ataatsimut isigalugu pisortat atuinerat 6.638 mio. koruuninut aalaakkaalerpoq qaffariaatigalugu 0,6 pct.

... aningaasaliinerillu appariartortut

Pisortatigut aningaasaliissutit siullermik tassaapput aningaasaliinerit aalajangersimasut nutaat aamma illunik pisinikkut/tunisinnikkut aningaasartuutit. Aningaasanik amerliartortitsineq 2010-mi ataatsimut 74 mio. koruuniniit 636 mio. koruuninut appariarpoq. Tamakku saniatigut pisortat aningaasaliissutaannut akuupput aningaasanik ingerlatseqatigiiffinnut nuussinerit, inunnut ataasiakkaanut immikkut ikiorsiisutit, aningaasarsiutaanngitsumillu susassaqaqatigiiffinnut aningaasaliinerit. 2010-mi aningaasaliissutit ataatsimut 36 mio. koruuniniit 150 mio. koruuninut qaffapput nuna tamakkerlugu akileraarummut nalikilliliinermi annaasat pingaarnertut peqqu-taallutik. Pisortat aningaasaqarnerisa taamatut nalikilliliinerit aningaasaliinertut isigineqartarput. 2010-mi pisortat aningaasaliinerisa inernerat 4,7 pct.-mik annikilleriarpoq 786 mio. koruuniulerluni.

Aningaasat isertitat annertuut

Pisortat ataatsimut isertitaat 425 mio. koruuniniit 9.606 mio. koruuninut annertuse-riarput. Taakkunangga nuussinerit allat 4.545 mio. koruuniullutik. Taakku tassaapput Danmarkip ataatsimoortumik tapiissutai, EU-p akiliutai, naalagaaffiup avatangii-sinik iluarsaanermut tapiissutai, Nationalbank-p sinneqartoorutaanit Kalaallit Nunaata agguagarsiai taamatullu naalagaaffiup aningaasartuutigisassaani utertitsinikkut isertitat. 2010-mi ataavartumik akileraarutitsigut isertitat 396 mio. koruuniniit 3.438

mio. koruuninut annertuseriarput, tamatuma ataatsimut sinneqartoorut qularnaar-paa.

... pdf-fiilinnorlugu

"2010-mi pisortat aningaasaqarnerat" pdf-fiilitut Kalaallit Nunaanni Naatsorsueq-qissaartarfiup nittartagaatigut www.stat.gl iserfigalugu pissarsiarineqarsinnaavoq.

Paasissutissanik kissaateqartoqassaguni Naatsorsueqqissaartarfip siunnersortaaneq Lene Baunbæk e-mail-kut leba@stat.gl.